

Senior High School



Lingguhang Aralin sa Pag-aaral ng Kasaysayan at Lipunang Pilipino

Kuarter 2

Linggo

3

**PAG-AARI NG PAMAHALAAN
HINDI IPINAGBIBILI**

Modelong Banghay-Aralin sa Pag-aaral ng Kasaysayan at Lipunang Pilipino

Kuwartar: __2__ Aralin Bilang: __3__

Ang materyal na ito ay inilaan lamang para sa paggamit ng mga guro na kalahok sa pilot implementation *ng Strengthened Senior High School Curriculum*. Layunin nito na tumulong sa paghahatid ng mga nilalaman, pamantayan, at kasanayang pampagkatuto ng kurikulum. Ang anumang hindi awtorisadong pagkopya, pamamahagi, pagbabago, o paggamit ng materyal na ito labas sa itinakdang saklaw ay mahigpit na ipinagbabawal at maaaring magresulta sa angkop na mga legal na hakbang at kaparusahan.

Ang mga akda na ginamit sa materyal na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahinulot sa paggamit ng materyales. Hindi inaangkin ng mga bumuo ng materyales ang karapatang-aring iyon.

Bumuo sa Pagsusulat ng Banghay-Aralin

Manunulat: Analyn D. Fabian, NCR-SDO Valenzuela

Tagasuri ng Nilalaman: Joy B. Cabonze-NCR-SDO Makati

Consultant: Dr. Michael Charleston “Xiao” B. Chua

Learning Area Specialist: Marlon F. Adlit

Bureau of Curriculum Development

Bureau of Learning Delivery

Bureau of Learning Resources

Pinagsikapang tiyakin ang kawastuhan ng mga impormasyon na nasa materyal na ito. Para sa katanungan o puna, maaaring sumulat o tumawag sa Tanggapan ng Direktor ng Bureau of Learning Resources sa pamamagitan ng pagtawag sa mga numero ng telepono (02) 8634-1072 at 8631-6922 o sa parasagittal ng email sa blr.od.@deped.gov.ph.

MODELONG BANGHAY-ARALIN NG YUNIT			
Asignatura	Pag-aaral ng Kasaysayan at Lipunang Pilipino	Baitang	11
Semestre	1	Kuwartar	2
Manunulat	Analyn D. Fabian		
I. LAYUNIN (<i>Pagtukoy sa mga Layunin</i>)			
Pamantayang Pangnilalaman	• <i>Naipamamalas ang masusing pag-unawa sa iba’t ibang anyo ng pakikibaka bilang salik sa pag-usbong ng kamalayang Pilipino.</i>		
Pamantayan sa Pagganap	• <i>Nakapagpapahayag ng paninindigan (hal. Posisyong papel, presentasyon, pahayag adbokasiya) na nagsusuri sa karanasan ng mga Pilipino sa pakikibaka laban sa ibat’ ibang anyo ng opresyon</i>		
Mga Kasanayan Pampagkatuto	• <i>Nasusuri ang mga kolektibong karanasan ng pakikibaka laban sa mga dayuhan gamit ang piling kaso (cases) sa kasaysayan</i>		
II. BATAYANG SANGGUNIAN SA PAGKATUTO	• Roces, Mina. <i>Gender, Nation and the Politics of Dress in Twentieth-Century Philippines</i>. Quezon City: Ateneo de Manila University Press, 2012. • Lanzona, Vina A. <i>Amazons of the Huk Rebellion: Gender, Sex, and Revolution in the Philippines</i>. Madison: University of Wisconsin Press, 2009 • Jose, Ricardo T. <i>Filipino Guerilla Resistance to Japanese Invasion in World War II</i>. Quezon City: University of the Philippines Press. Retrieved. https://opensiuc.lib.siu.edu/cgi/viewcontent.cgi?article=1044&context=legacy • SunStar Cebu. “A Short History on the Women’s Suffrage in the Philippines.” Last modified March 28, 2022. https://www.sunstar.com.ph/cebu/feature/a-short-history-on-the-womens-suffrage-in-the-philippines • Igorotage. “The Gallant Igorots of World War 2.” Accessed May 7, 2025. https://www.igorotage.com/blog/p/wzeW9/gallant-igorots-world-war-2. • Unsundered 2 ROTC Hunters retrieved https://www.youtube.com/watch?v=DUGPs5RQt6Q		

III. NILALAMAN	<i>Mga Piling Kolektibong Karanasan ng Pakikibaka Laban sa mga Dayuhan na Nagbunsod ng Kamalayang Pilipino</i> <i>I. Pakikibaka sa Panahon ng Espanyol</i> <i>A. Kilusang Agraryo noong ika-18 at ika-19 na siglo</i> <i>B. Kilusang Propaganda</i> <i>C. Ang Himagsikan ni Bonifacio at ang Rebolusyon ni Aguinaldo</i> <i>II. Kilusang Feminista sa Panahon ng Amerikano</i> <i>A. Aktibismong Panuelo</i> <i>B. Sufragista</i> <i>III. Kilusang Gerilya</i> <i>A. Hunters ROTC guerrillas</i> <i>B. HUK Amazons</i> <i>C. Igorot sa Labanang Pockets</i> <i>*Hinati ang nilalaman sa dalawang linggo. Ang unang linggo ay tungkol sa pakikibaka sa panahon ng Espanyol at ang ikalawang linggo ay ukol sa kilusang Feminista sa panahon ng Amerikano at Kilusang Gerilya.</i>
IV. TUNGUHIN	<i>Matapos ang aralin, ang mga mag-aaral ay inaasahang:</i> <i>1. Naipaliliwanag ang mga ambag ng mahahalagang personalidad sa likod ng mga kilusang panlipunan sa pagpapaigting ng kamalayang makabayan at paglaban sa pananakop;</i> <i>2. Naikukumpara ang mga piling kaso ng kilusang panlipunan batay sa kanilang layunin, paraan ng pakikibaka, at naging bunga bilang tugon sa pananakop ng dayuhan; at</i> <i>3. Nasusuri ang mga layunin at konteksto ng pagkabuo ng mga kilusang panlipunan tulad ng Kilusang Feminista at Kilusang Gerilya bilang bahagi ng kolektibong pakikibaka laban sa kolonyalismo at pananakop ng dayuhan.</i>
V. PAMAMARAAN	ANNOTATION
A. Aktuwalisasyon	UNANG ARAW 1. Pagkuha ng Dating Kaalaman

**ng Dating
Kaalaman**

Isang mapagpalayang araw! Sa mga nakalipas na araw ay natunghayan natin ang mga kolektibong pakikibaka ng mga Pilipino sa panahon ng mga Espanyol. Ngayong araw ay susuri tayong muli ng mga kilusang nagbunsod ng kamalayang Pilipino sa panahon ng mga Amerikano. Ano kaya ang mga ito? Simulan natin ang ating gawain sa pamamagitan ng (sabihin kung ano ang opsiyon ng guro na isasagawa).

OPSIYON 1: “WORD SEARCH”

Panuto: Hanapin ang mga salitang may kaugnayan sa pakikibaka sa panahon ng mga Espanyol. Ang mga salita ay maaaring pahalang, patuwid , at palihis.

Z	W	F	B	H	E	Z	F	U	V	A	I	M	H	T	Q	O	K
D	Q	J	O	S	V	N	Z	C	T	Z	T	S	B	Y	S	W	F
A	G	R	A	R	Y	O	C	L	A	F	M	K	C	O	B	X	R
L	C	P	B	D	M	T	Z	O	O	R	I	L	S	O	A	X	J
A	R	A	R	G	H	A	V	Z	M	E	P	V	L	B	N	U	G
	K	H	V	O	F	K	G	U	W	I	G	N	S	G	H	I	M
S	A	B	E	I	P	R	B	D	N	J	E	Y	E	O	C	Q	B
O	T	K	V	Y	T	A	Q	K	I	Z	X	N	W	I	T	V	Y
L	I	F	N	V	G	E	G	C	V	W	N	Z	D	O	Y	M	I
I	P	T	N	D	N	G	C	A	R	S	A	O	T	A	H	E	L
D	U	B	I	I	U	Y	N	B	N	S	B	N	F	Q	K	V	U
A	N	O	S	O	G	U	Z	C	S	D	R	L	G	I	V	X	S
R	A	N	M	D	P	M	D	Y	F	P	A	P	P	L	X	B	T
I	N	A	G	U	I	N	A	L	D	O	X	D	V	U	J	M	R
D	J	S	U	Q	N	M	D	D	D	I	F	T	H	L	J	E	A
A	N	V	A	D	L	A	V	H	F	A	S	V	V	N	R	X	D
D	R	C	B	P	J	I	C	K	V	T	U	Q	U	I	U	K	O
A	C	Z	B	Y	P	V	L	G	T	L	T	H	C	L	T	N	S

- Ihahanda ng guro ang template na nasa baba, sa loob ng limang minuto ay hahanapin ng mga mag-aaral ang mga salitang may kinalaman sa pakikibaka sa panahon ng mga Espanyol.
- Ilalahad ng mga mag-aaral ang kaugnayan ng mga nahanap na salita sa nakalipas na aralin . Maaaring ipasulat ng guro ang kaugnayan ng mga salita sa ibaba ng sagutang papel o kaya ay tatawag ng mag-aaral upang ipahayag ang kanilang sagot.


OPSIYON 2: “DAYAGRAM ANALISIS”

1. Propaganda
2. Agraryo
3. Aguinaldo
4. Ilustrados
5. Encomienda
6. La Solidaridad
7. Katipunan
8. Magdiwang
9. CARP
- 10.Cavite

*Pipili ang guro ng isang gawain mula sa tatlong opsiyon. Matapos maipagawa ang isang gawain sa mga mga mag-aaral, sasagutin ang pamprosesong tanong. Maaaring indibidwal na pagsagot sa kwaderno muna at matapos ito ay humingi ng ilang kasagutan sa mga piling mag-aaral. **Bibigyang diin mga naging***

Panuto: Punan nang wastong mga impormasyon ang dayagram. Pagkatapos ay sagutin ang pamprosesong tanong.

- Sisimulan ng guro ang pagbuo ng mindmap. Tatawag ng mga mag-aaral na pupuno sa mind map.



Pamprosesong Tanong:

1. Paano naiiba ang Kilusang Propaganda sa mga rebolusyonaryong kilusan nina Bonifacio at Aguinaldo?
2. Ano ang mga pagkakapareho at pagkakaiba ng mga kilusan nina Bonifacio at Aguinaldo?
3. Paano nakaapekto ang mga kilusang ito sa pagbubuo ng pambansang identidad ng mga Pilipino?

2. Paglalahad ng Layunin

Mula sa mga natapos na gawain, napag-alaman natin ang na ang pakikibaka sa panahon ng mga Espanyol partikular ng Kilusang Propaganda, Kilusang Agraryo at ang himagsikan ni Bonifacio, at

epekto ng kilusan/pakikibaka sa panahon ng mga Espanyol.

Ang mga sangkap ng IDF na ating makikita sa bahaging ito ay **reflective**. Reflective sapagkat nakatuon ang gawain sa pagiging kritikal mula sa mga kaugnay na karanasan tungo sa pagbibigay ng kahulugan ng kultura/kalinangan. Formative assessment din ang Pamprosesong Tanong upang matantiya ng guro ang lawak at lalim ng pang-unawa ng mga mag-aaral sa konsepto ng kultura/kalinangan.

	<i>rebolusyon ni Aguinaldo ay nagbunga ng pagkagising ng kamalayang Panlipunan at unti-unting pag-usbong ng damdaming nasyonalismo. Nang tuluyan tayong lumaya sa kamay ng mga Espanyol, napasailalim naman ang bansa sa pananakop ng mga Amerikano bunga ng Kasunduan sa Paris. Ngayon ay ating alamin ang mga naging tugon ng mga Pilipino sa pananakop ng mga Amerikano. Bibigyang diin natin ang mahalagang papel ng mga kababaihan sa pagbuo ng kamalayang panlipunan sa pamamagitan ng kilusang Feminismo sa panahon ng mga Amerikano, ang naging pakikibaka ng mga kababaihan sa panahon ng pananakop ng mga Hapones at ang papel na ginampanan ng mga Igorot sa Labanang Pockets.</i> OPSIYON 1: “Boto ng Babae-Boto ng Bayan” • <i>Sa pamamagitan ng situwasyon ay susuriin ng mga mag-aaral ang epekto ng kawalan ng karapatan ng mga kababaihan na bumuto at ang kanilang maaaring maging hakbang sa pagsulong ng karapatang bumoto ng kababaihan.</i> • <i>Ihahanda ng guro ang SITWASYON, babasahin ito sa klase. Hayaang ang mag-aaral ang maglahad ng SULIRANIN.</i> SITWASYON: <i>Sa ilalim ng mga Amerikano nabuo ang 1935 Konstitusyon. Sa kabila ng pagsulong ng mga kababaihan sa paggawa, edukasyon at mga gawaing panlipunan, hindi pa rin sila pinayagang makaboto o magkaroon ng representasyon sa pamahalaan.</i> <i>Bahagi ka ng isang organisasyong pangkabataan na nagususulong ng pagkakapantay-pantay anoman ang kasarian. Batid mo ang mga hinaing ng mga kababaihan sa inyong lugar, mula sa mga ina, mga manggagawa, mga guro, at iba pang kababaihang naghahangad na maging bahagi ng ekleksiyon at pagpili ng mga susunod na lider ng bayan.</i>	<i>Pipili ang guro ng isang gawain mula sa dalawang opsiyon. Matapos maipagawa ang isang gawain sa mga mag-aaral, sasagutin ang pamprosesong tanong. Maaaring indibidwal na pagsagot sa kuwaderno muna at matapos ito ay humingi ng ilang kasagutan sa mga piling mag-aaral. Bibigyang diin ng guro ang layunin at dahilan ng pakikibaka ng mga piling kaso sa panahon ng mga Amerikano at Hapones.</i> <i>Ang mga katangian ng bahaging ito ay responsive at reflective. Ito ay kumikilala sa iba’t ibang katangiang pinagmulan ng mga mag-aaral at binibigyang pansin ang kritikal na kaisipan at metacognition.</i>
--	---	---

SULIRANIN:

Anong kampanya ang maaari mong gawin o buoin upang mahikayat ang iyong mga kasama na suportahan ang panawagan ng mga kababaihan na mabigyan sila ng karapatang bumoto?

- *Padadaluyin ang bahaging ito sa pamamagitan ng mga gabay na tanong:*

Gabay na Tanong:

1. Ano ang mga posibleng dahilan kung bakit hindi pinapayagang bumoto ang mga kababaihan noon?
2. Bakit mahalaga ang boto ng mga kababaihan? Paano ito nakaaapekto sa lipunan?
3. Ano ang maaari mong gawin bilang kabataan noong panahong iyon upang maisulong ang karapatang bumoto ng kababaihan?
4. Anong mensahe ang iyong ipaparating sa mga mambabatas kung ikaw ay gagawa ng kampanya?

OPSIYON 2: “LARAWAN-SURI”

- *Ang guro ay maghahanda ng iba’t ibang larawan ng panuelo. Tanungin ang mga mag-aaral kung pamilyar ba sila sa mga ito. Luugnay ang mga larawan sa aktibismong panuelo sa pamamagitan ng pagbibigay ng konteksto na ang panuelo ay isinusuot bilang bahagi ng traje de mestiza, kasuotang madalas na ginagamit ng mga edukadong kababaihan noong panahon ng mga Amerikano. Ito ay sumisimbolo ng kagandahang-asal, karangalan, at kalaunan ay naging simbolo ng mapayapang protesta sa kawalan ng karapatang bumoto ang kababaihan.*



- Padadaluyin ng guro ang pagsagot sa pamprosesong tanong.

Pamprosesong Tanong:

1. Ano ang nakikita ninyo sa larawan?
2. Ano kaya ang maaaring naging simbolismo o mensahe sa pagsusuot ng panuelo?
3. Paano maiuugnay ang panuelo sa naging pakikibaka ng mga kababaihan upang mabago ang pananaw sa kanilang papel na ginagampanan sa lipunan?

OPSIYON 3: “K-W-L Chart”

- Bigyan ng limang minuto ang mga mag-aaral upang punuan ang bahaging **K** (Ano ang ALAM ko na) at angbahaging **W** (Ano ang GUSTO KONG MALAMAN). Ang bahaging **L** (Ano ang NATUTUHAN KO) ay pupunuan ng mga mag-aaral sa pagtatapos ng aralin.

Panuto: Sagutin ang K-W-L Chart. Punan ang bahaging **K** ng mga alam mo na ukol sa kolektibong karanasan ng pakikibaka laban sa mga dayuhan na nagbunsod ng kamalayang Pilipino. Punan ang bahaging **W** ng mga gusto mong malaman ukol sa aralin.

K (Ano ang ALAM KO NA)	W (Ano ang GUSTO KONG MALAMAN)	L (Ano ang NATUTUHAN ko)

B. Integrasyon ng Bagong Kaalaman	IKALAWANG ARAW 1. Paglalahad ng Halimbawa <i>Naunawaan na ba ninyo na ang mga kababaihan ay may malaking bahagi sa pagbuo ng kamalayang makabayan sa panahon ng pananakop ng mga Amerikano? Ngayon naman ay uunawain at susuriin natin ang mga layunin, dahilan, at mahahalagang personalidad sa bawat kilusang panlipunan sa panahon ng Amerikano at Hapon.</i> OPSIYON 1: “DATA RETRIEVAL CHART ACTIVATED” • Ihahanda ng guro ang data retrieval chart. Pupunuan ng mga mag-aaral ang bawat kolum. Isusulat ng mga mag-aaral ang kanilang sagot sa kuwaderno. <i>Panuto: Paghambingin ang Aktibismong Panuelo at Kilusang Sufragista sa layunin, paraan ng pakikibaka, mga mahahalagang personalidad, at ang naging epekto nito sa lipunan.</i> <table border="1"> <tr> <th>Aspekto</th><th>Aktibismong Panuelo</th><th>Kilusang Sufragista</th></tr> <tr> <td>Layunin</td><td></td><td></td></tr> <tr> <td>Paraan ng Pakikibaka</td><td></td><td></td></tr> <tr> <td>Mga Kilalang Personalidad</td><td></td><td></td></tr> <tr> <td>Epekto sa Lipunan</td><td></td><td></td></tr> </table> OPSIYON 2: “GRAPHIC ORGANIZER MAZE” • Ihahanda ng guro ang graphic organizer sa board. Gamit ang mga meta cards na naglalaman ng mga impormasyon, ididikit ng mag-aaral sa tamang hanay ang mga meta card. • Matapos nito ay padadaluyin ng guro ang pagsagot sa pamprosesong tanong.	Aspekto	Aktibismong Panuelo	Kilusang Sufragista	Layunin			Paraan ng Pakikibaka			Mga Kilalang Personalidad			Epekto sa Lipunan			<i>Pipili ang guro ng isang gawain mula sa dalawang opsiyon. Matapos maipagawa ang isang gawain sa mga mag-aaral, sasagutin ang pamprosesong tanong. Maaaring indibidwal na pagsagot sa kuwaderno muna at matapos ito ay humingi ng ilang kasagutan sa mga piling mag-aaral. Bibigyang diin ng guro ang pagsusuri sa mga layunin at dahilan ng pagkabuo ng mga kilusang panlipunan.</i> <i>Muli ito ay formative assessment. Integrative ito sapagkat tumitingin sa malawakang pagtingin ng kultura/kalinangan sa ibatibang aspekto. Ito ay may kaugnayan sa context at connection sapagkat nakatuon sa kanilang katangiang pinagmulan at kanilang kaugnay na karanasan. Ito ay explore, sapagkat ginagalugad sa gawain</i>
Aspekto	Aktibismong Panuelo	Kilusang Sufragista															
Layunin																	
Paraan ng Pakikibaka																	
Mga Kilalang Personalidad																	
Epekto sa Lipunan																	

*Panuto: Sa tulong ng mga salitang nasa loob ng kahon, buoin ang graphic organizer. Isulat sa wastong kolum kung ito ay tumutukoy sa **layunin, dahilan ng pagkabuo, at mga nakilalang personalidad.***

Ipagpatuloy ang laban kontra Hapones
 Ipagtanggol ang kanilang lupaing ninuno
 Isulong ang karapatan ng kababaihan at magsasaka

Pagsuko ng Bataan
 Pag-abuso sa mga babae at magsasaka ng mga Hapones
 Paglusob ng Hapones sa Hilagang Luzon
 Terry Adevosio Miguel Ver
 Felipa Culala (Dayang-dayang) Kumander Liwayway
 Major Dennis Molintas mga di-kilalang bayaning mandirigmang Igorot

Kilusang Gerilya	Layunin	Dahilan ng Pagkabuo	Nakilalang Personalidad
Hunters ROTC Guerillas			
HUK Amazons			
Igorot sa Labanang Pockets			

Pamprosesong Tanong:

1. *Ano ang mga layunin at dahilan ng kilusang feminista at guerilla?*
2. *Sino ang mga mahalagang personalidad sa mga kilusang ito at ano ang kanilang mga naging kontribusyon?*

ang ibatibang kaalaman ukol sa kultura/kalinangan.

3. Paano mo mailalarawan ang kabayanihan ng mga kasapi ng mga kilusang ito?

2. Pagtalakay sa Bagong Konsepto

Nalaman nating malaki ang bahaging ginampanan ng mga kababaihan sa pagbuo ng kamalayang makabayan sa panahon ng mga Amerikano at Espanyol. Pagtitibayin pa natin ang inyong kaalaman ukol sa kilusang feminista at kilusang guerilla sa tulong ng bahaging ito.

OPSIYON 1: “BASA-SURP”

Mga Babasahin:

- **Gender, Nation and the Politics of Dress in Twentieth-Century Philippines** ni Mina Roces pp. 4-9
- **A Short History on the Women's Suffrage in the Philippines** retrieved: <https://www.sunstar.com.ph/cebu/feature/a-short-history-on-the-womens-suffrage-in-the-philippines>
- **Amazons of the Huk Rebellion: Gender, Sex, and Revolution in the Philippines (New Perspectives in SE Asian Studies) Paperback – Illustrated, March 16, 2009**
- **Filipino Guerilla Resistance to Japanese Invasion in World War II**
- **The Gallant Igorots of World War 2** retrieved: <https://www.igorotage.com/blog/p/wzeW9/gallant-igorots-world-war-2>
-
- Hahatiin ng guro ang klase sa limang grupo. Ang guro ay magbibigay ng kanya-kanyang babasahin sa bawat grupo. Inaasahan na ang mga babasahing ito ay nai-print o naipatakda na sa mga mag-aaral. .
- Bibigyan ng 15 minuto ang bawat grupo upang ihanda ang malikhaing pag-uulat sa bawat babasahing iniatang sa kanila ng guro. Maaaring gumamit ng alinman sa sumusunod ang mga mag-aaral, concept map, role play, graphic organizer, at iba pa. Maaari ding gumamit ng mga larawan upang higit na maging kaaya-aya ang awtput.

Pipili ang guro ng isang gawain mula sa dalawang opsiyon. Maaaring hatiin ang klase sa limang grupo at itakda ang mga babasahing dapat suriin ng bawat grupo. Itakda na rin sa ang mga kakailanganing larawan, simbolo, o mga teksto para sa opsiyon 2.

Ito ay **inclusive, ideational** at **integrative**. Makikita sa pamprosesong tanong kumikilala ito sa ibatibang konteksto, pag-unawa sa kaisipan at pangkalahatang pagtingin sa kultura/kalinangan.

Ito ay nakatuon din sa **context** at **connection**. Makikita din sa bahaging ito ang **emphatize**, kung saan naiuugnay ng mag-aaral sa talakayan ang pagpapanatili,

• Matapos nito ay padadaluyin ng guro ang pagsagot sa pamprosesong tanong. OPSIYON 2: “GALLERY WALK” • Ang bawat grupo ay maghahanda ng mga larawan, simbolo, at teksto na may kinalaman sa paksang iaatas ng guro. • Sa loob ng 15 minuto ay ihahanda ang silid-aralan sa isang gallery. Magtatakda ang bawat grupo ng isang “presenter” upang ilahad ang nilalaman ng kanilang gallery. • Likutin ng isa-isa ng bawat grupo ang inihandang gallery. Bibigyan ng 2-3 minuto ang bawat grupo upang ilahad ang kanilang nabuong gallery. • Matapos nito ay padadaluyin ng guro ang pagsagot sa pamprosesong tanong. Pamprosesong Tanong: 1. Ano ang mga layunin ng bawat kilusan at paano nila ito isinakatuparan? 2. Paano naiiba o nagkakatulad ang mga paraang ginamit ng bawat kilusan upang ipaglaban ang kanilang adhikain? 3. Sino ang mga pangunahing personalidad sa bawat kilusan at paano nila naipakita ang pagiging makabayan? 4. Ano ang natutuhan mo tungkol sa kahulugan ng pagiging makabayan mula sa mga kilusang ito? IKATLONG ARAW 3. Paglinang sa Kabihasaan Ngayon ba ay malinaw na ang layunin at dahilan ng mga tinalakay na pakikibaka o kilusan sa panahon ng mga Amerikano at Hapones? Bakit mahalagang bigyang pansin ang papel na ginampanan ng mga kababaihan at mga Igorot sa pagusbong o pagbuo ng damdaming	pagpapasa at pagpapakilala ukol sa kultura at kalinangan. Pipili ang guro ng isang gawain mula sa dalawang opsiyon. Matapos maisagawa ang napiling opsiyon, magbabahagi ang ilang mag-aaral ng kanilang kasagutan sa klase. Bibigyang diin ng gawaing ito ang pagsusuri sa mga dahilan, layunin at mga nakilalang personalidad sa mga pakikibaka sa panahon ng Amerikano at Hapones. Ito ay relevant at responsive. Ito ay transdisciplinary at problem-solving. Tumatawid ito sa wika at pagbubuo ng kaisipan at iba pang bahagi ng karunungan. Nakatuon din ito sa pagbibigay ng solusyon sa suliranin. Gayundin, dahil sa may mga iba pang kaalaman at kakayahan na hinuhubog ito ay integrative at makikita ang pagiging malikhain sa pagbuo ng sanaysay at argumento kung kaya ito ay creative.
--	--

	<i>makabayan? May mga ganitong uri pa ba ng kilusan sa kasalukuyan? Paano natin maiuugnay ang katapangan at dedikasyon ng mga nakilalang personalidad sa ating kasalukuyang lipunan. Lahat ng mga katunungang nabanggit ay bibigyan natin ng kasagutan sa bahaging ito.</i> OPSIYON 1: “AKTIBISMO MODE:ON!” • <i>Mag-aatas ng limang mag-aaral upang gumanap bilang personalidad sa mga tinalakay na kilusan o mga impersonators.</i> • <i>Magkakaroon ng open forum at panayam sa mga boses ng kilusan.</i> • <i>Magtatakda ang guro ng moderator, tagapagsalita, mga tagapakinig, tagatala at technical support.</i> • <i>Maaaring gamitin ang gabay na tanong sa pagsasagawa ng open forum.</i> <i>Mga Gabay na Tanong para sa Open Forum:</i> <i>Igorot sa Labanan sa Pockets (hal. Gawa-gawang Igorot scout leader)</i> <i>"Kung dati ay ginabayan mo ang mga sundalo sa gubat ng Bataan, ano ang landas na nais mong gabayan ngayon?"</i> <i>1. Ano ang iyong pakiramdam bilang isang katutubong lumaban sa digmaan?</i> <i>2. Paano mo maipagmamalaki ang kultura ng mga Igorot sa kasalukuyan?</i> <i>3. Sa panahong ito, paano mo ituturo sa kabataan ang katapangan at karangalan?</i> <i>Huk Amazons (hal. Kumander Dayang-dayang / generikong babaeng Huk)</i> <i>"Kung ang laban ng Huk noon ay para sa karapatan ng manggagawa at magsasaka, ano ang laban mo ngayon?"</i>	
--	---	--

	1. <i>Bakit mo piniling sumama sa isang armadong kilusan bilang isang babae?</i> 2. <i>Ano ang pinakamatinding sakripisyo na ginawa mo para sa masa?</i> 3. <i>Sa panahon ngayon, paano mo ipaglalaman ang karapatan ng mga inaapi?</i> Hunters ROTC Guerilla (hal. Terry Adevos / Eleuterio Adevos) "Paano mo iaangkop ang laban para sa kalayaan sa mga isyu ng kabataan ngayon?" 1. <i>Ano ang pinakadiwa ng pagiging gerilya noong panahon ng Hapon?</i> 2. <i>Kung ikaw ay magiging lider sa panahon ngayon, paano mo isusulong ang pagmamahal sa bayan?</i> 3. <i>Ano ang aral na maaari mong ibahagi sa mga kabataan ukol sa paglilingkod sa bayan?</i> Kilusang Sufragista (hal. Pura Villanueva-Kalaw o Concepcion Felix) "Ngayon na may karapatang bumoto ang kababaihan, ano pa ang dapat ipaglaban?" 1. <i>Ano ang pinakamatinding hamon na hinarap ninyo noon bilang mga kababaihang humihiling ng karapatan?</i> 2. <i>Ano ang masasabi mo sa mga kababaihan ngayon na hindi gumagamit ng kanilang karapatang bumoto?</i> 3. <i>Sa anong paraan mo ipaglalaman ang kababaihan sa modernong lipunan?</i> Aktibismong Panuelo (hal. Gliceria Marella de Villavicencio)	
--	--	--

	"Kung ikaw ay nabubuhay ngayon, paano mo ipagpapatuloy ang laban para sa bayan?" 1. Ano ang nagtulak sa iyo para suportahan ang rebolusyon noong panahon ng Espanyol? 2. Sa panahong ito, paano mo ipapakita ang pagiging makabayan bilang isang babae? 3. Kung may pagkakataon kang makausap ang mga kabataang aktibista ngayon, ano ang mensahe mo sa kanila?	
C. Demonstrasyon ng Kaalaman at Kasanayan	1. Paglalapat ng Aralin Natapos ninyong masuri ang layunin at dahilan ng pagkabuo ng mga kilusang panlipunan at matukoy ang mga mahahalagang personalidad sa likod ng bawat kilusang panlipunan.. Ngayon naman ay ilapat ninyo ang mga karunungan at kasanayan sa pamamagitan ng mga gawaing maiuugnay sa kasalukuyang kalagayan ng mga kababaihan, kabataan, at mga katutubo. OPSIYON 1: "ADVOCACY CAMPAIGN" • Ang guro ay magbibigay ng panuto kung paano isasagawa ang advocacy campaign. • Gamitin ang sumusunod na konteksto sa pagbuo ng iba't ibang awtput. "Ang kabataan sa kasalukuyang panahon ay nahaharap sa ibat ibang suliraning palipunan gaya ng karahasan, diskriminasyon at disimpormasyon. Paano mo gagamitin ang tapang at prinsipyo ng mga makasaysayang kilusan upang tumugon sa mga isyung ito?" • Maaaring ipahayag ang kanilang adbokasiya gamit ang spoken poetry, digital collage o poster, video message, o infographics. • Bibigyan ng pagkakataon na makapagbahagi ang mga mag-aaral ng kanilang poster sa klase.	Pipili ang guro ng isang gawain mula sa dalawang opsiyon. Matapos maisagawa ang napiling opsiyon, magbabahagi ang ilang mag-aaral ng kanilang natapos na gawain sa klase. Bibigyang diin ng gawaing ito ang paglilipat ng kasanayan para sa ibatibang konteksto. Ang bahaging ito ay parehong relevant at reflective. Hinahasa ang pagiging malikhain, kritikal at mapanuring pag-iisip.

	OPSIYON 2: “LIHAM PARA SA KABABAIHAN, KABATAAN, at KATUTUBO” • Ang guro ay magbibigay ng panuto sa mga mag-aaral sa paggawa ng liham. • Bubuoin ito nang hindi bababa sa 500 salita at hindi lalabis sa 800 salita. Ang mga mag-aaral ay gagawa ng isang bukas na liham sa mga nais nilang iparating sa mga kababaihan, kabataan, at sa mga katutubo sa kasalukuyang panahon. • Bibigyan ng pagkakataon na makapagbahagi ang mga mag-aaral ng kanilang liham sa klase. IKAAPAT NA ARAW 2. Pagbubuo Sa pamamagitan ng iba’t ibang gawaing inyong natapos, napatunayan natin na kaya nating ilapat ang mga naging aktibismo sa panahon ng mga Amerikano at Hapones sa mga nagaganap na kilusan sa kasalukuyang panahon. Ngayon ay gawin naman ninyo ang pagbubuo at pagninilay na tumutingin sa papel ninyo bilang mga kabataan sa pagpapanatili ng kamalayang makabayan sa kasalukuyan. OPSIYON 1: “KASAMA AKO SA KILUSAN” ”Kung ako ay nabuhay noong panahon ng _____, ako ay magiging bahagi ng kilusan sa paraang _____, dahil naniniwala ako na _____.” • Ibibigay ng guro ang prompt. Isulat ng mag-aaral ang kanilang sagot sa kanilang kuwaderno. Pagkatapos ay ibabahagi sa klase ang napiling hashtag at ipaliwanag kung ano ang ibig sabihin nito. OPSIYON 2: “HASHTAG KILUSAN”	Pipili ang guro ng isang gawain mula sa dalawang opsiyon. Matapos maisagawa ang napiling opsiyon, magbahagi ang ilang mag-aaral ng kanilang natapos na gawain sa klase. Bibigyang diin ng gawaing ito ang mga puntos na bumubuo sa paksang tinalakay sa pamamagitan ng repleksyon.
--	---	--

- Gamit ang meta card, bubuo ang bawat grupo ng hashtag para sa kilusang tinalakay.
- Ipaliwanag sa pamamagitan ng 3-5 pangungusap ang dahilan ng pagkakabuo ng kanilang hashtag.

3. Pagtataya

Dadako naman tayo sa pagtataya ng inyong pang-unawa at mga kasanayang inyong nahubog. Pag-isipang mong mabuti ang pagsusulit na naglalaman ng karunungan, asal at pagkilos ukol sa kultura/kalinangang Pilipino.

OPSIYON 1: “K-W-L Chart”

- Aatasan ng guro na balikan ang K-W-L Chart. Sa bahaging ito ay isusulat ng mag-aaral ang kanilang NATUTUHAN sa L-kolum.

K (Ano ang ALAM KO NA)	W (Ano ang GUSTO KONG MALAMAN)	L (Ano ang NATUTUNAN ko)

OPSIYON 2: “Data Comparison Table”

Panuto: Punan nang wastong impormasyon ang talahanayan. Sagutin ang mga gabay na tanong pagkatapos. Isulat ang inyong sagot sa sagutang papel.

Kilusan	Layunin	Paraan ng Pakikibaka	Resulta/Epekto
Aktibismong Panuelo			
Kilusang Sufragista			
Hunters ROTC Guerilla			
HUK Amazons			
Igorot sa Labanan sa Pockets			

Ito ay **reflective**. Ipinapakita dito ang kritikal na kaisipan at metacognition sa pagbuo ng gawain at paliwanag ukol dito. Makikita rin sa gawain ang yugto ng **emphasize** kung saan nailalagay ng mag-aaral ang kanilang damdamin sa paksa.

Pipili ang guro ng isang pagtataya mula sa dalawang opsiyon. **Bibigyang diin ng opsiyon ang summative na pagtataya na nakatuon sa pag-unawa ng paksang tinalakay.**

Ang bahaging ito ay **relevant** at **reflective**. Binubuo nito ang pangkalahatang kaalaman at kasanayan. Ito rin ay halimbawa ng **summative assessment**.

	<i>Mga Gabay na Tanong:</i> <i>1. Ano ang mga pagkakatulad at pagkakaiba sa layunin at paraan ng pakikibaka ng mga kababaihang lumahok sa Aktibismong Panuelo, Kilusang Sufragista, at HUK Amazons?</i> <i>2. Alin sa mga kilusang nabanggit ang may pinakamalawak na epekto sa kasalukuyang lipunan, at bakit mo ito masasabi?</i> <i>3. Paano naipakita ng mga kilusang gerilya tulad ng Hunters ROTC at ng mga Igorot sa Labanan sa Pockets ang kahalagahan ng lokal na kaalaman at kolektibong pagkilos sa panahon ng pananakop?</i> 4. Karagdagang Gawain Pagbuo ng Collage. <i>• Atasan ang mga mag-aaral na magdala ng mga lumang magasin, dyaryo, printed materials, gunting, at pandikit.</i> <i>• Bumuo ng isang collage na <u>magpapakita ng lakas ng kababaihan, kabataan, at katutubo sa kasalukuyang panahon.</u> Gamitin ang rubrik na matatagpuan sa Annex.</i>	
VI. PAGTATAYANG PANGYUNIT	Panuto: <i>Piliin ang titik ng tamang sagot at isulat ito sa inyong sagutang papel.</i> <i>1. Isipin mong isa kang kabataang babae noong panahon ng diktadura. Nakita mong nagsasama-sama ang mga ina ng mga desaparecidos na may suot na puting panuelo habang nananawagan ng hustisya. Kung ikaw ay kabilang sa kilusang ito, paano mo ipapaliwanag sa iba ang kahalagahan ng pagsusuot ng panuelo bilang anyo ng pakikibaka?</i> <i>A. Isa itong simbolo ng paggalang sa tradisyon ng mga kolonyal na kababaihan.</i> <i>B. Ipinapakita nito ang tahimik na suporta ng kababaihan sa umiiral na pamahalaan.</i> <i>C. Isa itong mapayapang paraan upang ipahayag ang damdaming makabayan at panawagan para sa hustisya.</i> <i>D. Ginagamit lamang ito upang ipagdiwang ang papel ng kababaihan sa moda at lipunan.</i> <i>2. Alin sa sumusunod ang pinakamahalagang tagumpay ng Kilusang Sufragista sa Pilipinas noong panahon ng mga Amerikano?</i> <i>A. Pagkakaroon ng kababaihan ng karapatang magtrabaho sa gobyerno</i>	

- B. Pagkakapantay-pantay ng sahod sa kalalakihan
 C. **Pagkakaroon ng karapatan ng mga kababaihang bumoto**
 D. Pagbuwag sa mga batas kolonyal
3. Bakit nabuo ang Hunters ROTC Guerrilla movement noong panahon ng pananakop ng mga Hapones?
 A. Bilang pangkat ng mga sundalong Amerikano na naiwan B. Upang labanan ang mga Espanyol sa Luzon
 C. Upang magtanggol ng mga lugar sa Mindanao
 D. **Bilang lihim na kilusan ng kabataang kadete upang labanan ang pananakop ng Hapones**
4. Ano ang natatanging papel na ginampanan ng mga Huk Amazons sa kasaysayan ng armadong pakikibaka?
 A. **Mga kababaihang lumaban bilang mandirigma at lider sa kilusang Hukbalahap**
 B. Bilang mga tagapangalaga ng bahay ng mga gerilya
 C. Mga guro sa liblib na lugar ng Nueva Ecija
 D. Mga tagasuporta sa likod ng labanan
5. Paano naiiba ang ginampanang papel ng Huk Amazons sa karaniwang gampanin ng kababaihan noong panahon ng digmaan?
 A. **Ang mga kababaihan ay lumahok mismo bilang mandirigma at lider, lumabag sila sa tradisyonal na inaasahan sa kababaihan.**
 B. Ang mga kababaihan ay nagbibigay ng tulong pinansyal sa mga sundalo
 C. Lumikha ng propaganda ang mga HUK Amzaons laban sa Hapon
 D. Nakipagtulungan ang mga kababaihan sa mga Espanyol upang makatulong sa pakikipaglaban sa Hapon
6. Si Pura Villanueva-Kalaw ang nanguna sa kilusang suffragista noong unang bahagi ng 1900s. Isa rin siya sa aktibong nangampanya para sa karapatang bumoto ng mga kababaihan. Alin sa sumusunod ang itinatag ni Kalaw noong 1905?
 A. Girl Scout of the Philippines
 B. **Asosasyon Feminista Ilonga**
 C. Kapisanan ng mga Kababaihan
 D. HUK Amazons
7. Ang Hunters ROTC Guerrilla ay isa sa mga kilalang grupong gerilya na lumaban sa mga Hapones sa panahon ng Ikalawang Digmaang Pandaigdig sa Pilipinas. Sino sa sumusunod ang nagtatag nito?
 A. Josefa Llanes Escoda
 B. **Terry Adevos**
 C. Miguel Ver
 D. Pura Villanueva-Kalaw
8. Ang mga Huk Amazons ay binubuo ng kababaihang gerilya. Alin sa sumusunod ang kilalang lider-kababaihan na aktibong nakibaka sa kanayunan bilang bahagi ng kilusang Hukbalahap?
 A. Trinidad Tecson
 B. Nieves Fernandez
 C. **Luzviminda Francisco**
 D. Melchora Aquino

9. Alin sa sumusunod ang naging kontribusyon ni Juan Duyan sa Labanan sa Pockets?

A. Tumulong sa mga sundalong Pilipino at Amerikano sa mga kabundukan ng Luzon

B. Itinatag ang Repulika ng Katagalugan

C. Nag-organisa ng rebolusyon sa rehiyon ng Bicol

D. itinatag ang rebolusyonaryong pamahalaan sa Vigan

10. Maraming Pilipino ang tumugon sa pananakop ng Hapon at lumaban sila upang ipagtanggol ang kanilang kalayaan at karapatang pantao. Ano ang kanilang ginawang aksyon upang higit na maipakita ang diwang makabayan at pagkakaisa ng mga Pilipino?

A. Paglisan ng bansa upang umiwas sa digmaan

B. Tahimik na pagtanggap sa pamahalaan ng Hapon

C. Pagkiling sa kulturang Hapón at pagtanggap ng Nihongo

D. Pagsali sa kilusang gerilya at paglaban sa mga mananakop

11. Lumaganap ang diskriminasyon, at sa kalaunan ay namulat ang mga Pilipino sa kawalang-katarungan. Alin sa sumusunod ang pangunahing dahilan ng paglakas ng kamalayang panlipunan ng mga Pilipino noong panahon ng Espanyol?

A. Pag-unlad ng mga industriya sa kanayunan

B. Pagtanggap sa relihiyong Katolisismo sa ilang bahagi ng Pilipinas

C. Hindi pantay na pagtrato at pang-aabuso ng mga kolonyal na pinuno

D. Pagbabawal sa mga katutubong kasuotan na minana pa sa mga katutubo

12. Ang sistemang pang-ekonomiya ng Espanyol ay nakatuon sa pagsasamantala sa likas-yaman at lakas-paggawa ng mga Pilipino. Ano ang epekto ng “polo y servicio” sa kabuhayan ng mga pamilyang Pilipino?

A. Lumala ang kahirapan at nawalay sa pamilya ang mga kalalakihan

B. Nagdulot ito ng maraming oportunidad sa trabaho tulad ng pagnenegosyo.

C. Pinabuti nito ang kalagayan ng mga magsasaka sa buong Pilipinas na nagbigay ng mas magandang buhay.

D. Pinabilis nito ang mga kalakalan sa iba’t ibang lalawigan at ang pakikipagkalakalan sa iba’t ibang mga bansa.

13. Walang boses ang mga Pilipino sa pamahalaan dahil hawak ng mga Espanyol ang lahat ng sangay ng kapangyarihan. Bakit hindi nabibigyan ng katarungan ang mga Pilipino sa mga hukuman noong panahon ng Espanyol?

A. Dahil mas pabor ang batas sa mga katutubong Pilipino

B. Dahil mas maraming nagkakasala dahil sa pagnanakaw ng mga Pilipino.

C. Dahil hindi sila marunong bumasa o magsalita ng Espanyol at walang pantay na karapatan.

D. Dahil binibigyan sila ng pribilehiyong umapela at magbigay ng kanilang saloobin at damdamin.

14. Sa ilalim ng kolonyalismong Amerikano, unti-unting nagbago ang kalagayan ng kababaihang Pilipino sa larangan ng **edukasyon, karapatan, at papel sa lipunan** Ano ang naging pangunahing kontribusyon ng edukasyon sa kababaihang Pilipino noong panahon ng mga Amerikano?

A. Napilitang manatili sa bahay upang mag-aral online

B. Nabigyan sila ng pagkakataong makapaglakbay sa ibang bansa

C. Nabuksan ang mas malawak na oportunidad para sa pag-aaral at pagiging guro

D. Naituro sa kanila ang pananahi at pagluluto na nagbigay ng karunungan sa kababaihan.

	15. Isa sa pinakamatibay na patunay ng pag-unlad ng kalagayan ng kababaihan ay ang pagkamit nila ng karapatang bumoto. Ito ay bunga ng matagal na kampanya at kilusan ng mga kababaihan upang kilalanin ang kanilang kakayahang makilahok sa eleksiyon. Kailan opisyal na nakamit ng kababaihan sa Pilipinas ang karapatang bumoto? A. Noong 1937 matapos ang isang plebisito B. Noong 1946 kasabay ng kalayaan ng bansa D. Noong 1973 sa ilalim ng bagong Saligang-Batas C. Noong 1898 matapos ang pananakop ng Espanya Performance Task Panuto: Hahatiin ang klase sa 4 na grupo. Bubuo ng isang 15-minute multimedia output alinman sa sumusunod na pamamaraan: documentary style video, digital zine, o podcast episode. Gawing batayan ang G.R.A.S.P. sa ibaba. Goal : Ang iyong layunin ay magsaliksik, magsuri, at maglahad ng isang malikhaing presentasyon na magpapakita kung paano naging kolektibong tugon ang mga piling pakikibaka ng mga Pilipino laban sa pananakop ng mga dayuhan, at kung paano ito nagbunsod ng kamalayang makabansa. Role: Ikaw ay isang kasapi ng isang pangkat ng mga mamamahayag sa isang makabansang multimedia outlet na may layuning itampok ang makasaysayang pakikibaka ng mga Pilipino upang mapalalim ang kaalaman ng kabataan sa kasaysayan ng bansa. Audience: Ang pangunahing tagapakinig at mambabasa mo ay ang mga kabataang Pilipino na may mababaw na kaalaman sa kasaysayan, partikular sa mga kilusang lumaban sa mga Espanyol, Amerikano, at Hapones. Situation: Bilang bahagi ng pagdiriwang ng Buwan ng Kasaysayan, naatasan ang iyong grupo na gumawa ng isang documentary-style video, digital zine, o podcast episode na magtatampok ng isa sa sumusunod na kolektibong pakikibaka: Kilusang Agraryo, Kilusang Propaganda, Himagsikan ni Bonifacio at Rebolusyon ni Aguinaldo, Aktibismong Panuelo o Sufragista, Hunters ROTC / HUK Amazons / Igorot sa Labanang Pockets. Kailangang mailahad ang konteksto, layunin, paraan ng pakikibaka, at epekto nito sa kamalayang makabansa ng mga Pilipino noon at sa kasalukuyan. Product/Performance: Lumikha ng isang 15-minute multimedia output (video, podcast, o digital zine) na may malinaw na paglalahad ng napiling kilusan at ang kasaysayan nito. Gumagamit ng primarya at sekondaryang sanggunian (larawan, sipi, panayam, artikulo, atbp.) Nagtatampok ng pagsusuri sa epekto ng kolektibong pagkilos sa kamalayang Pilipino. Nagtatapos sa repleksiyon: “Ano ang bisa ng kilusang ito sa paghubog ng makabansang kamalayan ngayon?”
--	--

VI. PAGNINILAY	
-----------------------	--